

Tong yulduzi

Vatan yagonadir,
Vatan bittadir!

N:25 (67190)
2018-yil 18-iyun

www.tongyulduzi.uz

Gazeta 1929-yil 1-avgustdan chiqa boshlagan

O'zbekiston Respublikasi bolalar va o'smirlar gazetasi

ISSN - 2010-6092

DIQQAT, TANLOV!

«Kim ko'p kitob o'qiydi?»

Respublika an'anaviy tanloviga marhamat!



USHBU SONDA:

**SIZNI
G'IJDUVONDA
KUTAMIZ!**

2-bet

**O'ZIMIZ
HAQIMIZDA
FIKRLAYMIZ**

3-bet

**TO'RTKO'LDAN
XIVAGACHA...**

4-bet

**YOLG'ONCHINING
JAZOSI**

(Ertak)

6-bet

Aziz o'quvchilar!

O'zbekiston Xalq ta'limi vazirligi hamda O'zbekiston Respublikasi bolalar va o'smirlarining «Tong yulduzi» gazetasi hamkorligida «Kim ko'p kitob o'qiydi?» Respublika an'anaviy tanlovini e'lon qiladi.

Tanlov shartlari quyidagicha:

Ishtirokchining surati, o'qigan badiiy kitoblari ro'yxati hamda mutolaa qilgan asari yuzasidan fikr-mulohazalari, maktabdagi eng yaxshi kitobxon o'quvchi

ekanligini tasdiqlovchi maktab direktori yoki sinf rahbarining tavsifnomasi «Tong yulduzi» gazetasiga yuboriladi.

Maktubingizda telefon raqamingizni ko'rsatishni unutmang.

G'oliblar shu yil 1-oktabr - O'qituvchi va murabbiylar kuni arafasida aniqlanadi. Va faxriy yorliq hamda esdalik sovg'alari bilan taqdirlanadi.

Siz ham tanlovda faol ishtirok eting va eng ko'p kitob o'qiydigan o'quvchiga aylaning.

Maktublaringizni quyidagi manzilga jo'nating: Toshkent shahri, Navoiy ko'chasi, 30-uy. Indeks - 100011.
Telefon/faks: (0-371) 244-63-08. E-mail: info@tongyulduzi.uz

Oromgohda kechgan har bir kun,
Qadrlidir doim biz uchun.

SIZNI G'IJDUVONDA KUTAMIZI!

Har bir insonning kindik qoni to'kilgan tuprog'i, ajdodlarining muqaddas xoki yotgan aziz yeri bo'ladi. Men go'zal O'zbekistonda, uning eng muqaddas go'shisi bo'lmish yetti pirlar makoni - Buxoroi Sharifda, Xo'ja Abduxoliq G'ijdivoniy yashab o'tgan ajoyib zaminda tug'ilganimdan, shu yurt farzandi ekanligimdan faxrlanam.



KIMYO SEHRI

Kimyo - mo'jizalar fani hisoblanadi. Kuni kecha ushbu fandan o'quvchilar imtihon topshirdilar. 9-«B» sinf o'quvchilaridan Umid Alimjonov, Maryam Ergasheva, Umida To'layeva, 9-«A» sinfidan Sadoqat Botirova eng faol o'quvchilarimdan, - deydi Toshkent viloyati, Parkent tumanidagi 35-umumta'lim maktabining kimyo fani o'qituvchisi Zuhra opa Nig'matullayeva.

Uchquduq tuman xalq ta'limi bo'limiga qarashli 20-umumta'lim maktabida ham uch mavsumda

«HUMO QUSHLARI»

nomli oromgoh tashkil etildi.

Bu yerda o'quvchilarning madaniy dam olishlarini ta'minlash, turli sport o'yinlarini tashkil etish maqsadida kutubxona, faollar zali, maktab sport zali, kompyuter xonasi zaruriy jihozlar bilan ta'minlandi. Bundan tashqari, bolalarning shahar markazidagi «Jemchujina» cho'milish havzasiga haftada ikki marotaba borishlari rejalashtirilgan.

Oromgohda «Barkamol avlod» bolalar markazining malakali pedagog xodimlari ham faoliyat yuritmoqda.

**Zebo RAHIMOVA,
Navoiy viloyati, Uchquduq tuman xalq ta'limi bo'limi bosh mutaxassisi**



«G'UNCHA»DA KECHGAN TA'TIL...

Maktab yoshlar ittifoqi yetakchisi Sadoqat Tangatova boshchiligidagi «Yozni «Kamalak» bilan o'tkazamiz!» loyihasida dam oluvchilarning har bir kuni qiziqarli va sarguzashtlarga boy tarzda o'tmoqda. Muhayyo

Toshkent viloyatining O'rta Chirchiq tumanidagi 5-umumta'lim maktabida «G'uncha» nomli kunduzgi oromgoh ish boshladi. O'quvchilarning yozgi ta'til damlarini mazmunli o'tkazish maqsadida tashkillashtirilgan mazkur dam olish maskanida 100 nafar bolajonlar «Bilimdonlar», «Oqqushlar», «Kamalak yulduzlari», «Quvnoqlar» guruhlariga jalb qilingan.

Anorboyeva, Buvnisa Xonto'rayeva, Lutfiya Siddiqova va Fotima Imonqulova singari 14 nafar pedagog-tarbiyachi qiziqarli tadbir va adabiy kechalar uyushtirmoqda.

Yaqinda oromgohda «Kitobxonlik kunlari» hamda «Tabiatni asraymiz» rasmlar tanlovi o'tkazildi. «Quvnoq startlar» sport musobaqasida Asadbek Abdumannopov, Asilbek Arabov, Malohat Mahkamboyeva, Abdulboriy Nuraliyev va Zuhra Qudratovalar jamoasidan iborat «Bilimdonlar» guruhi g'oliblikni qo'lga kiritdi.



Yozgi ta'tilning maroqli kechishini ta'minlashda oromgoh rahbari Shahnoza Mengliboyeva hamda Yoshlar ittifoqi sardori Shahlo Xolmatovanning xizmati cheksiz.

**Dilfuza JO'RAYEVA,
o'quv va tarbiyaviy ishlar bo'yicha direktor o'rinbosari**

Bolajonlarning yozgi ta'til kunlari maroqli o'tishi uchun poytaxtimizning Olmazor tumanidagi 243-umumta'lim maktabida

«Orzu» nomli sog'lomlashtirish oromgohi tashkil etildi.

Bu maskanda kitobsevar o'quvchilar uchun kutubxona tashkil etilgan. Shuningdek, bolajonlarni hayvonot bog'iga, madaniyat va istirohat bog'laridagi turli tadbirlar va muzeylarga sayohat kutmoqda. «Men sevgan kitob», «Kichik rassomlar», «Oromgoh malikasi» kabi tanlovlar bolalarga o'z iste'dodini namoyon qilishida yordam beradi. Ta'til davomida o'quvchilar «Mohir qo'llar», «Yosh kitobxonlar» kabi to'garaklarga ham qatnashishlari mumkin.

Umida SHOYAKUBOVA, boshlang'ich sinf o'qituvchisi

NURLI MASKAN

«BOYLIKNI BOLALIKDAN ASRANG» TANLOVIGA



ZILOL SUVNING NOLASI

Ayni yoz kunlari suv barchamiz uchun yanada bebaho ne'mat ekanligini anglaymiz. Ammo, aynan shu faslida bu ne'matni ko'proq isrof qilishimiz ham haqiqat. U esa bizga rohat bag'ishlashdan charchamaydi. Butun borliqni gullab-yashnatadi. Qolaversa, bugun suvdan elektr-energiya manbai sifatida ham foydalanilmoqda. Shunday ekan, bu aziz ne'matning tugab qolishidan tashvish chekib yashashimiz kerak emasmi?!

O'ylab ko'rganmisiz, nega momolarimiz tushni suvga aytishgan?! Demak, suv bizni tinglaydi, kerak bo'lsa, bizga so'zlaydi ham. Uning shildiragan ovozi «Meni asra!» degan nola bor. Bu gaplarimdan balki taajjublanayotgandirsiz?! Ammo hozirgi zamon olimlarining ma'lumotlariga ko'ra, mikrokrystal shaklidagi muzlagan suv molekulasi bir necha yuz marta kattalashtirilganda qanday muhitda joylashganiga qarab shakl hosil qilgan.

Tashqaridagi har bir ta'sirga o'z munosabatini bildirgan. U hatto tanamizning 70%, miyamizning esa 90%ini tashkil etadi. Inson tanasining yangilanib turishi ham suv vositasida amalga oshadi. Shunday ekan, bu nozik va zilol ne'matni ardoqlaylik, unga befarq bo'lmaylik.

Sitora ABDIRAHMONOVA,
Qashqadaryo viloyati,
Qamashi tumanidagi
63-umumta'lim maktabi
o'quvchisi

MAKTABGA ELCHI KELDI

Marg'ilon shahridagi 6-umumta'lim maktabi nemis tilini chuqur o'qitishga ixtisoslashtirilgan. Bilim maskanining tirishqoq o'quvchilari fan olimpiadalari va «Bilimlar sinovi»da faol ishtirok etishadi. Jumladan, 8-sinf o'quvchilari R. Katanov, G. Saidmavlonova bu kabi bellashuvlarda sovrinli o'rinlarni qo'lga kiritishgan.

Ta'lim maskani o'qituvchilari ham har jabhada ilg'or. Nemis tili fani o'qituvchisi M. Abdurazzoqova va S. Karimova «Eng yaxshi o'qituvchi» ko'rik-tanlovida muvaffaqiyatli ishtirok etib kelmoqda. O'quv maskani rahbari Farhod Mavlonberdiyevning aytishicha, maktab jamoasi ko'p yillardan buyon O'zbekistondagi Germaniya elchixonasi va nemis tilini o'rgatish markazi bilan mustahkam aloqa o'rnatgan. Ammo bu gal o'quv dargohida o'zgacha uchrashuv bo'lib o'tdi. Maktabga Germaniyaning O'zbekistondagi favqulodda va muxtor elchisi Gyunter Overfeld tashrif buyurdi. Tashrif davomida mehmon o'qituvchi va o'quvchilar bilan dildan suhbatlashdi. Ta'lim dargohida olib borilayotgan ishlar bilan yaqindan tanishdi. Va ustoz hamda o'quvchilarga kelgusi o'quv yilida ham muvaffaqiyatlar tiladi.

Muhammadjon MAHMUDOV

O'ZIMIZ HAQIMIZDA FIKRLAYMIZ

– Hadeb o'zimiz haqimizda o'ylayversak, xudbin bo'lib qolmaymizmi?! «Tong yulduzi» gazetasining doimiy muxlislaridan biri bu rukn ostida e'lon qilinayotgan maqolalarni o'qib, shunday savol beribdi.

Bu savolga Hazrat Alisher Navoiy haqida xalq og'zaki ijodi orqali bizgacha yetib kelgan bir hikoyat bilan javob berishga harakat qilamiz.

Tarixchilarning yozishicha, Hazrat Alisherning do'sti, Xuroson podshosi Husayn Boyqaroga vazir bo'lgan davrlarda odatdagidan-da serharakat bo'lib qolibdi. Bir kun madrasada ta'lim olayotgan iqtidorli talabalarning o'qish jarayonini nazorat qilsa, boshqa kuni ariq qazuvchilar oldiga borib, «Horma, bor bo'l», der ekan. Boshqa kun bino qurovchilar oldida hozir bo'lib, ularning yetar-yetmasini so'rar ekan. Shunda: «Men Alisher Navoiyga o'xshab xalqqa sevimli shoir bo'lishni orzu qilaman», deb har yerda gapirib yuradigan, lekin yozgan baytini qayta o'qishga ham erinadigan bir yigit shoirning yo'lini to'sib:

– Hazrat, sizga yordam beray, degandim. Menga qanday ish buyurasiz? – deb so'rabdi. Shunda Navoiy: – Siz orzu qilishni uxshu ko'radigan yigitsiz. Lekin orzu ro'yobi uchun qattiq mehnat qilishga kelganda, dangasalik qilasiz. Agar o'zingizdagi shu nuqsonni tuzatsangiz, chinakam serharakat yigitga aylansangiz, mening yonimda yana bir ishonchli shogird paydo bo'lar va mening tashvishlarim biroz bo'lsa-da, kamaygan bo'lar edi, – degan ekan.

Nima demoqchiman? Benuqson, mukammal daholar hamma zamonlarda bo'lgan. Ular boshqalarga hamisha ijobiy ta'sir o'tkazadi, ko'plarni orqasidan ergashtiradi. Boshqalar esa, hech bo'lmaganda, o'zi haqida o'ylab, o'zini nuqsonlardan xalos eta borib, kamolotga intilsa, demak, u ham o'ziga, ham daholarga yordam bergan bo'ladi, ya'ni xudbinlik yo'lini tutmagan hisoblanadi.

OILAMIZ – KITOBXON

Oilamizda barcha kitob o'qishni yaxshi ko'radi. Uyimizda mo'jazgina kutubxona ham bor. Buvim o'qigan kitoblarimizning mazmuni va undan nimalarni o'rganganini haqida so'raydi. Biz esa xulosalarimizni so'zlab berishdan charchamaymiz.



Singlim Binafsha 2-sinfda o'qiydi. Unga ertak kitoblar ko'proq yoqadi. Buvijonim esa pandnoma asarlarni mutolaa qilib, bizga hikmatli so'zlarni aytib beradi. Shuningdek, gazeta-jurnallarga ham obuna bo'lganmiz. «Tong yulduzi»ga yo'llagan maktubim gazetada chop etilganini ko'rib, oila a'zolarim juda xursand bo'lishdi. Kitob – insonning yo'lboshchisi. U bizni ezgulikka chorlaydi. Shunday ekan, mutolaa orqali bilimimizni oshirib, komillikka erishaylik!

Mohichehra ATABEKOVA,
Xorazm viloyati, Yangiariq tumanidagi
19-umumta'lim maktabi
o'quvchisi

Bir sinfda o'qib, bir partada o'tiradigan Karima ham, Salima ham matematika fanidan olimpiadaga tayyorlanishar, ustozlari topshirgan masala, misollarni mustaqil ravishda yechishardi. Olimpiadaga tayyorgarlikni tekshirish uchun kelgan vakil har ikkala qizning daftarini ko'zdan kechirgach, Salimaga:

– Sening harakating yaxshi. Bo'shashmasang, albatta, muvaffaqiyatga erishasan, – debdi.

Karimaga esa: – Sening masalalaringda chalkashliklar bor. Shoshar ekansan. Matematika shoshqaloqlikni ko'tarmaydi. Bitta raqamda, hatto bitta belgida xato ketsa, misolning yechimi noto'g'ri bo'ladi, – debdi.

Vakilning gapi Karimaning jahlini chiqaribdi. Ichida o'rtog'iga qarab: «Hap,

HASAD

senimi?!» deb qo'yibdi. Payt poylab, Salimaning daftarini o'g'irlabdi va o'ylab-o'ylab, adirdagi tikanzorga ko'mishni rejalashtiribdi.

G'ira-shira payti tikanzorga borib, yerni qo'li bilan kovlab, daftarni qo'mib qo'yibdi. Shu paytda kaftiga ikki-uchta tikkan kiribdi. Uygay qaytgach, igna bilan tikanlarning bir-ikkitasini olgandek bo'libdi. Og'riyvergach, malham surib, bog'lab qo'yibdi. Oradan bir necha kun o'tib, borgan sayin kaftidagi og'riq kuchayibdi. Onasi uning isitmalayotganini ko'rib, shifokorga olib boribdi. Shifokor tekshirsa, kaftning tikan turgan joyi yiring bog'lab ketgan ekan. Shundan so'ng,

Karimaning kaftini operatsiya qilishga to'g'ri kelibdi. Jarrohlik amaliyotidan so'ng, shifokorlar ruchka ushlagacha ruxsat bermagani uchun Karima olimpiadaga qatnasha olmabdi. Faqat daftarda emas, tafakkuri, miyasida ham tayyorgarlik ko'rayotgan Salima olimpiadada muvaffaqiyatli ishtirok etib, avval maktabda, so'ng tumanda g'olib bo'libdi...

...Voqeani eshitgach, ko'nglingizda yo xotirjamlik, yo afsus uyg'onadi. Xotirjamlik uyg'onsa, siz hasaddan yiroqsiz, afsus, pushaymonlik sezsangiz... unda fikrlay boshlaganingiz ma'qul.

Qutlibeka RAHIMBOYEVA,
O'zbekistonda xizmat ko'rsatgan madaniyat xodimi


**Zehn qo'ysa, ong qo'nar,
Hunar ortsa, ish unar.**

**Tong
yulduzi**

MOHIR USTOZ MOHIRA

Ta'til boshlanganiga qaramay, o'quvchi-qizlarimiz texnologiya fani o'qituvchisidan bir-biridan ajoyib buyumlar yasash-u tikish-bichish ishlarini o'rganishda davom etmoqda. Maktabimizning texnologiya fani o'qituvchisi Mohira Atajonova ham shogirdlariga saboq berishdan sira tolmaydigan ayol.

O'quv yili davomida maktab yangi bichish stollari va mashinalari bilan ta'minlangani qizlarning bu mashg'ulotga bo'lgan ishtiyoqini yanada orttirgan bo'lsa, ajabmas. Bundan tashqari, ustoz to'garaklar rejasini ham shogirdlarining qiziqishlaridan kelib chiqib tuzadi. Qo'li gul qizlar esa bunga javoban turli tadbir va tanlovlarda yaxshi natijalarga erishmoqda. Jumladan, 5-sinf o'quvchilari gazlamalardan milliy qo'g'irchoqlar yasash, 6-sinf qizlari do'ppi tikish, andaza olish, 7-sinf qizlari esa quroqchilik san'atini mukammal egallaganliklarini har yili «Bahor malikalari», «Balli, qizlar!» kabi tanlovlarda namoyish etishadi. Mehnatsevar, fidoyi ustozning shogirdlari bilan «Amaliy san'at» muzeyiga uyushtirgan sayohat ularni yanada quvontirdi. U yerda qizlar milliy liboslarimiz, xalq hunarmandchiligining sir-asrorlari bilan yaqindan tanishdi.



Mohira OMAROVA,
Toshkent shahar, Yashnobod tumanidagi
153-umumta'lim maktabi o'qituvchisi

KITOB YOG'DUSI

Kitob o'quvchining fikr doirasini kengaytirib, unga cheksiz ma'naviy ozuqa beradi. Buyuk mutafakkir shoir Abdurahmon Jomiy shunday degan:

«Dunyoda kitobdan yoqimliryoq do'st, undan ortiq g'amxo'r yo'q».

G'allaorol tumanidagi 58-umumta'lim maktabida faoliyat yuritayotgan Axborot-resurs markazi ta'til bo'lishiga qaramay, kitobxon o'quvchilar bilan doimo gavjum. Kutubxonada mudirasi Mohichehra Hotamovaning yelib-yugurishi va jonkuyarligi sababli birgina 2017–2018-o'quv yili davomida yangi nashrdan chiqqan badiiy adabiyotlar ko'rgazmasi, ma'rifiy tadbirlar, darslik va badiiy adabiyotlardan foydalanish tanlovlari namunalari tashkil etildi.

Shuningdek, o'quvchilar o'rtasida tumanimizda yetishib chiqqan taniqli insonlar – O'zbekiston Respublikasida xizmat ko'rsatgan o'qituvchi Gulnora Mansurova, urush va mehnat faxriysi Omon bobo Shayzoqov hamda ajoyib inson Toshpo'lat O'rinboyevlar haqida maroqli suhbatlar o'tkazildi. Yuqori sinf o'quvchilaridan Asadbek G'aniyev va Orasta Xudoyberdiyevlar joriy o'quv yilida «Kitob marafoni»da faol ishtirok etib, faxrli o'rinni egalladi.

– Bugungi axborot telekommunikatsiya vositalari o'quvchilarimizni katta adabiyotdan aslo uzoqlashtirgani yo'q, – deydi o'quv dargohining ma'naviy-ma'rifiy ishlari bo'yicha direktor o'rinbosari Nargiza Xudoyberdiyeva. – O'quvchilarga kitob ulkan mo'jiza ekanligini, yozgi ta'til kunlarida ham badiiy adabiyotlar mutolaasi bilan mashg'ul bo'lish lozimligini tushuntirmoqdamiz. Negaki, ko'p kitob o'qigan bolaning fikrlash doirasi keng, zehni o'tkir bo'ladi.

Abdulla SAIDOV,
Jizzax viloyati

TA'TILDA ENG YAXSHI MASHG'ULOT

Har gal oynayi jahon orqali «Sehrli qalpoqcha» filmi namoyish etilganida, qayta-qayta tomosha qilaman. Ushbu asar muallifi, sevimli yozuvchimiz Xudoyberdi To'xtaboyevni esa tanimaydigan tengdoshim bo'lmasa kerak.

Yaqinda yozuvchining «Besh bolali yigitcha» asarini o'qib chiqdim. Unda Ikkinchi jahon urushidan keyin ota-onasidan yetim qolgan Orifjon va uka-singillarining taqdiri haqida hikoya qilingan. Asardagi voqealar har qanday bolani ta'sirlantirib, bugungi imkoniyatlarga munosib bo'lmoqqa chorlaydi. Jumladan, qahramonning quyidagi gaplariga e'tibor bering:

– Hozir esa hecham o'ynay olmayman, o'yinga berilib ketsam, uydagi ishlarim qolib ketadi. Keyin opam xafa bo'lib qolishi mumkin. Men opamni yaxshi ko'raman, juda-juda yaxshi ko'raman. Hecham xafa qilmasam, hecham yig'latmasam deyman...

Uning so'zlarini o'qir ekanmiz, beixtiyor o'zimizga savol beramiz. Biz o'tanamizning qadriga yetyapmizmi, opa-ukamizga yetarlicha mehr-e'tibor beramizmi?

Asar so'ngida yozuvchi har qanday vaziyatda ilm olish, ma'rifatli bo'lish doimo muhimligini ta'kidlab, Zulayho, Hayitvoy kabi o'g'il-qizlarning Qo'qon shahridagi bilim yurtining tayyorlov kurslariga jo'natilganligini yozadi.

Ta'til kunlarida barcha tengdoshlarim sevimli adiblarimizning qiziqarli asarlarini o'qishlarini istardim.

Malika ERGASHEVA,
Samarqand viloyati, Narpay tumanidagi
Oqto'sh tadbirkorlik va servis kasb-hunar kolleji o'quvchisi

TO'RTKO'LDAN XIVAGACHA...

Hikoya qilmoqchi bo'lganimiz, Qoraqalpog'iston Respublikasining To'rtko'l tumanidagi «Barkamol avlod» bolalar markazi a'zolarining Xorazmdagi tarixiy obidalarga qilgan sayohatlari taassurotlarga boy bo'ldi. Ayniqsa, ularning Samarqand-u Buxoroga qilgan sayohatlaridan olam-olam zavq olishgani, shubhasiz. To'rtko'ldan Xivagacha bo'lgan masofada bolajonlarning maroqli suhbatlari faqat shu haqda bo'ldi.

Markaz rahbari Asiya opa Yernazarova bilan bog'langanimizda, «Bizning bolalarimiz erishgan muvaffaqiyatlar juda ko'p, ularning barini yoza-sizmi?» deya savolga tutdi. Mendan, «Albatta»,




degan javobni olgach, bolajonlar haqida to'lib-toshib so'zlay ketdilar.

– Markazimizda 48 ta to'garak tashkil qilingan bo'lib, texnik ijodkorlik, badiiy ijodiyot hamda ekologiya va o'lkashunoslik kabi yo'nalishlar bo'yicha 1140 nafar o'quvchi hunar o'rganmoqda. To'garak xonalari barcha jihozlar bilan ta'minlangan. O'quvchilarning o'z ustida mustaqil shug'ullanishlari uchun ma'naviyat va ma'rifat xonasida kutubxonada tashkil qilingan. Mashg'ulotlardan tashqari, «Ochiq eshiklar kuni», «Mening birinchi ustozim», «Yosh hunarmandlar», «Moziydan kelajakka sayohat», «Iqtidorli o'quvchilar festivali», «Balli, yigitlar!» singari tadbirlarni o'tkazish yaxshi an'anaga aylangan. O'quvchilarimizning erishgan

yutuqlari haqida uzoq gapirish mumkin. «Ekologiya bolalar nigohida» ekofestivalida ingliz tili to'garagi a'zosi Diyorbek Qurbonboyev 1-o'rinni egalladi. O'tgan yili Nukus shahrida «Barkamol avlod» bolalar ijodiyot festivalida «Tasviriy sa'nat» yo'nalishida Sherali Jumaniyazov, «Liboslar dizayni» bo'yicha Nilufar Xojiboyeva, «Munchoqli bezak» yo'nalishida Go'zal Mambetova, «Badiiy to'qish»dan Mashhura Razzoqova, «Do'ppido'zlik» yo'nalishi bo'yicha Aynura Tajiboyeva, yumshoq o'yinchoqlar va qo'g'irchoqlar yo'nalishida Maftuna Nuraddinovalar faol qatnashdilar.

Ushbu maskandagi o'quvchilarning g'alabalari haqida hali ko'p marta to'xtalamiz. Bo'lajak ixtirochilar, rassomlar-u



2018-yil «Faol tadbirkorlik, innovatsion goyalar va texnologiyalarini qo'llab-quvvatlash yili» Dasturi ijrosini bajarish maqsadida tuman markazidan 35–70 km uzoqda joylashgan maktablarda qo'shimcha 25 ta to'garak tashkil qilindi.

haykaltaroshlar bo'y ko'rsatayotgan markaz o'quvchilarining yutug'idan, vaqti kelib, nafaqat qoraqalpoqli, balki butun O'zbekiston ahli g'ururlanib yursa, ajabmas.

Ozoda TURSUNBOYEVA

Uzbekistan

I ♥ UZBEKISTAN

I live in a sunny land
It is so beautiful and
Flour shining country
Uzbekistan Motherland

Shahlo NURMUKHAMMEDOVA

Three qualities

Lugmoni Hhakim said to his son that three things are revealed in three places. The endurance - is revealed in unhappiness days, bravery - in wrestling, friendship - when it's necessity.

Dictionary

- Endurance- chidam
- Unhappiness- kulfat
- Bravery- botirlik
- Necessity - ehtiyoj



Translated by Sarvinoz NAZAROVA,
the pupil of lyceum under Uzbek state World Languages University

THE RICH DAD AND HIS SON



Once upon a time a rich dad decided to teach his son how poor people lived. He took him down to a village to spend a day with a poor family. At the end of the day, he asked his son, «Did you see how poor people can be? What did you learn from this?» the son replied, «It is simple dad. We have one dog, but they have four. We have one pool, they have an entire river. We buy our food; they grow it on the field around them. Thanks for showing me how poor we are».

PHONETIC EXERCISE

Find the words with pronounce with long E sound


C	R	E	E	P	E	E	N
T	H	R	E	E	D	E	O
B	M	S	L	E	A	K	O
T	P	E	E	L	G	E	N
E	G	E	A	J	R	E	G
E	L	P	F	E	E	T	F
T	E	E	N	E	N	C	E
H	O	O	N	P	E	N	U



Dinora ABDULLAJONOVA

WHAT IS IT?

I scrape grasshoppers
I always walk alert.
I never choose any food,
But I am a little fat.



My sisters are dark yellow,
They always fight for grain.
And I white as cotton too,
I look out them.

Translate by Sevinch CHORIYEVA,
the pupil of school №48 Oltinsoy distric Surkhandarya region

LEARN VOCABULARY



There given English new words with the definitions. Your task is matching the suitable answer.

1. Tradition – a) the transmission of customs, belief from generation to generation.
2. Family – b) an activity to spent leisure time.
3. Memory – c) consists of father and mother also their children living together.
4. Guest – d) a person entertained in one's house.

1-..., 2-c, 3-...,
4-..., 5-..., 6-...



5. Pony – e) a small horse.
6. Hobby – f) something remembered from the past.

Word game

Full fill the gaps with the correct letter.



1. I ca_ ght a disease wh_n I was on _oliday.
2. My ey_s real_y hurt if I use the comp_ter too much.
3. The n_rses in the hos_ital will l_ok after you.
4. Tak_ this medi_ine th_ee times a _ay.
5. Tr_ to sto_ the ble_ding with a ban_ag_.

6. Be ca_eful you _on't burn yo_rself on th_ hot o_en.
7. I cough_d all day b_ause I h_d a col_.



8. I in_u_ed my le_ playin_ footbal_.
9. If s_e doesn't get bet_er the doctor will ne_d to op_rate.
10. It was a hot da_ and I was swea_ing as I r_n.

CORRECT THE MISTAKES

1. he haves lunch at home – He has lunch at home
2. I can speaking French –
3. You speak very well English –
4. Can you speak more slow, please? –



5. we don't have some children –
6. I'd like shopping –
7. he have working today –
8. I'm do my homework now –
9. Where are you coming from –
10. we go on holiday next week –
11. I going to see my uncle next weekend –
12. Do you work tomorrow? –

Ma'mura G'ULOMOVA,
Zilola SIROJIDDINOVA,
the teacher of school № 41 Angren
districh, Tashkent region

She'r - qalbinda
ko'kargan maysa...

YOZ KELDI

Issiq kunlar boshlanib,
Yoz keldi-ku olamga.
Cho'milishga shaylanib,
Soyga ketdik bir zumga.

Hamma suvga otilib,
Cho'milar chapillatib.
Biz ham suvga otildik,
Qo'llarni shapillatib.

Oilada olti odam,
Yashaymiz mehr bilan.
Oilaning boshlig'i -
Mehribon buvim bilan.

Nozima BOYMATOVA,
poytaxtimizning Yunusobod tumanidagi
272-umumta'lim maktabi o'quvchisi

OILA

GLOBUS

Yer yuzining modeli,
Globusni bilamiz.
Unga qarab dunyoning,
To'rt tomonin ko'ramiz.

Bir tomoni quruqlik,
Daryo, dengizlar bisyor.
Tog'lar salobat to'kib,
Turar quchog'ida qor.

Unda hamma davlatlar,
Turli rangda bo'ladi.
Yerning aylanish o'qin,
O'quvchilar ko'radi.

Intizor MARDONOVA,
Samarqand viloyati, Nurobod
tumanidagi 1-umumta'lim
maktabi o'quvchisi

Jilg'alar daryoga shoshadi

Kuni kecha Andijon viloyati, Qo'rg'ontepa tumanidagi 25-umumta'lim maktabi qoshida faoliyat olib borayotgan «Zulfiya izdoshlari» klubi rahbari, ona tili va adabiyot fani o'qituvchisi Muattarxon To'raxo'jayeva va ushbu to'garakning bir guruh ijodkor o'quvchilaridan xat oldik. Maktubda andijonlik yoshlar «Tong yulduzi» gazetasi muntazam kuzatib borishlarini, rang-barang sahifalarda berib borilayotgan bir-biridan qiziq va mazmunli she'r va hikoyalarni, ertaklarni miriqib o'qishlarini yozib yuboribdi. Hatto to'garak a'zolari 2018-yil uchun obuna ham bo'libdi. Quyida ularning mazmundor she'rlarini sizlarga ham ilindik.



YOMG'IR

Quyosh ko'kda charaqlar,
Ajoyib gullar bog'da.
Maysazorda iymaniyib,
O'y nab yushar shabboda.
Bir ko'z ochib yumguncha,
Quyosh berkinib oldi.
Chaqmoq, momaqaldiroq,
Har tomon dovruq soldi.

Bir zum o'tmay osmondan,
Yerga nur ekilardi.
Ko'kdagi bulutlarning,
Ko'z yoshi to'kilardi.

Umida ABDUHAKIMOVA
KO'MAKCHI

Yordamchiman -
ko'makchi,
Bog'lovchi,
yuklamadan.
Otni fe'lga
bog'layman,
Qolishmayman
sira ham.

«Uchun», «sari»,
«kabi», deb,
Maqtanishar negadir.
Ayyorlikni dog'layman,
Asli ular mendan kam.

Diyorbek EGAMBERDIYEV

ONAJONING DUOSIN OL

Onalarning qalbi
dardga to'lmasin,
Ular doim bizga
erur mehribon.
Yuragida dard-alami
bo'lmasin,
Biz yuramiz mehr
bilan sog'-omon.

Tong otganda g'am-tashvishsiz turasan,
Onang erur boshing
uzra soyabon.
Ko'cha-ko'yda ko'krak kerib yurasan,
E'zozlaydi seni ona mehribon.

Davronbek ABDUPATTOYEV



OLMA

Hammaga birdek yoqar,
Daraxtdan bizga boqar.
So'ylar go'yo:
«Meni ye»,
«Oh, qanday
shirinsan», de.

«Olmaman qirmiz yuzli,
Ta'mimday shirin so'zli.
Meni qishga terib qo'y,
Vitamin ko'p, bilib qo'y.

Mazza qilasan yesang,
Har xil turim bor, bilsang.
Mening faslim - ayni yoz,
Tanamga turli rang mos».

Mushtariybonu SHAMSIDDINOVA



«NABIRAMGA MAKTUBLAR» TURKUMIDAN

(Davomi. Boshi o'tgan sonlarda)

O'sha kuni qiziq bo'ldi, nabiraginam.
Sen maktabdan kelding-da, buvingni
ko'zoynagini qo'lga tutqazib:

- Dadam tuzattirib menga tashlab
ketdilar, buvingga tezroq olib borib ber,
yuraklari siqilib o'tirmasin, men ishdan
kech qaytaman, dedilar, - deding.

Buvinglar, ota-bola meni o'yabsizlar,
sizlarni Xudo o'yasin, halidan beri ikki
dunyoi qorong'i bo'lib o'tirgan edim, deb
duo qildilar. Ha, ko'zoynakka o'rgangan



Erkin MALIK,
O'zbekiston Respublikasida
xizmat ko'rsatgan jurnalist

DADASINI AYAGAN O'G'IL

odamga qiyin-da, bolam.

Ammo ko'p o'tmay, siring fosh bo'lib
qoldi. Erta bilan buving ko'zoynagini da-
dangga ber, bandi sinib qoldi, tuzattirib
kelsin, deb senga bergan ekanlar. Sen
dadangga bergansan, albatta. Ammo
dadang oshxonada esidan chiqarib qoldi-
ribdi. Shunga kechirim so'rab, buvingga
telefon qilib qoldi.

- Baraka topkur, tilla nabiram obkelib
berdi, - deb buving dadangni xotirjam qildi.

Ammo chol-kampir o'yalanib qoldik.
Nimaga sen dadangni ayab, yolg'on
gapirding? Bir qaraganda qilgan ishing
tahsinga loyiq, ammo baribir tagida
yolg'oni bor-da, asal bolam! Chol-kampir
seni chaqirib, «sud» qildik.

- Adamlarga qo'ng'iroq qilib aytgan-

dim-ku, tuzattirib, sizzi
nomingizdan ko'zoynakni
buvingga berib qo'yaman,
deb. Adam bo'lsalar siz-
larga nimaga qo'ng'iroq qilibdilar,
hayronman, - deding norozi bo'lib.

- Adang to'g'ri qildi, bolam, xatosi uchun
onasidan kechirim so'radi. Garchand xa-
tosini sen to'g'rilagan bo'lsang-da. Bilib
qo'y, dadang biron qilgan savob ishini
o'ziniki qilib, indamay ketadiganlardan-
mas. Garchi bu ishini o'z o'g'li qilsa ham.
Bunga uning vijdoni yo'l qo'ymaydi. Axir
hamma narsani Xudo ko'rib, bilib turib-
di-ku, bolam. Bir qarashda dadajoningni
ayamoqchi bo'lganing yaxshi, yolg'on
aralashmagani undan ham yaxshi-da,
mening umidli bolam. Bilasanmi, Payg'am-
barimiz Alayhissalom, «Yolg'onchi bizdan
emas», deganlar. Ehtiyot bo'!

(Davomi bor)

Bir bor ekan, bir yo'q ekan, qadim
o'tgan zamonda katta bir o'rmonda
hayvonlar va qushlar tinch, osuda
yashar ekan. Ammo ular orasida
bir yolg'onchi to'ti hammani dilini
xira qilib, tinchligini buzar ekan.
Kunlardan bir kuni to'tining qo'shnisi
kakku palaponlariga yegulik olib
kelish uchun uyasidan uzoqroqqa

To'ti bu so'zlarga e'tibor bermay,
yolg'onlari bilan o'rmondagi bosh-
qa qushlarga ham ozor berishda
davom etibdi.

Oradan oylar o'tib, To'tiqushning
uyasida ham jajji palaponlar dunyoga
kelibdi. Kuni atrofdagilarga ozor be-
rish bilan o'tgan qush, endi bolalarini
boqishi, ularga yemish olib kelishi

YOLG'ONCHINING JAZOSI

(Ertak)



kerak bo'libdi. Ishyoq-
mas, dangasa to'ti
istar-istamas o'rmon
ichiga ozuqa izlab ke-
tibdi. Shoxdan shoxga
qo'nib, o'yinqaroqlik
qilib yurganida, kakku
qush to'tining oldiga
hovliqib uchib kelib-
di-da, «Qo'shniyon, tez
bo'l, uyangga katta
ilon hamla qilyapti.
Palaponlarning xavf os-
tida», debdi. To'tiqush
esa bu so'zlarga ishonmay, «Sen
mendani alamingni olish uchun
yolg'on gapiryapsan», debdi. Kak-
ku har qancha harakat qilsa ham
yolg'onchining ko'zlari haqiqatni
ko'rolmabdi. To'ti uyasiga kelib, pa-
laponlarini topolmagach, yolg'onlari
uchun jazo olganini anglab yetibdi.
Ammo, endi kech edi.
Ko'rdingizmi, aziz tengdoshim,
yolg'onchilik ana shunday ayovsiz
jazolanadi. Shuning uchun doimo
rost so'zlashimiz, yaqinlarimiz
ko'nglini og'ritmasligimiz lozim.

kerak bo'libdi. Ishyoq-
mas, dangasa to'ti
istar-istamas o'rmon
ichiga ozuqa izlab ke-
tibdi. Shoxdan shoxga
qo'nib, o'yinqaroqlik
qilib yurganida, kakku
qush to'tining oldiga
hovliqib uchib kelib-
di-da, «Qo'shniyon, tez
bo'l, uyangga katta
ilon hamla qilyapti.
Palaponlarning xavf os-
tida», debdi. To'tiqush
esa bu so'zlarga ishonmay, «Sen
mendani alamingni olish uchun
yolg'on gapiryapsan», debdi. Kak-
ku har qancha harakat qilsa ham
yolg'onchining ko'zlari haqiqatni
ko'rolmabdi. To'ti uyasiga kelib, pa-
laponlarini topolmagach, yolg'onlari
uchun jazo olganini anglab yetibdi.
Ammo, endi kech edi.
Ko'rdingizmi, aziz tengdoshim,
yolg'onchilik ana shunday ayovsiz
jazolanadi. Shuning uchun doimo
rost so'zlashimiz, yaqinlarimiz
ko'nglini og'ritmasligimiz lozim.

«Uyanga katta ilon hujum
qilyapti, palaponlaringni yemoqchi
bo'lyapti», deb yolg'on gapiribdi.
Bu xabarni eshitgan bechora qush
uyi tomon jon holatda uchibdi,
hatto bolalari uchun yig'ib qo'ygan
taomlarini ham tashlab yuboribdi.
Uyasiga kelib qarasa, jigarg'o'shalari
sog'-salomat. Buning bari to'tinig
yolg'oni ekanligini anglagach, qattiq
ranjibdi. Bolalari shu kuni ozuqasiz
och qolishibdi... Qo'shnisining bu
holatini ko'rgan yolg'onchi qush
masxaralab kular, qilgan ishidan
pushaymon bo'lish o'rni kerilib
ham qo'yardi. Kakku esa unga qarab:
«Sen ham bir kuni qilmishlaringga
yarasha, albatta, jazoiingni olasan,
yomonlik jazosiz qolmaydi», debdi.

Sitora XOLMAMATOVA,
Qashqadaryo viloyati, Koson
tumanidagi 9-umumta'lim maktabi
o'quvchisi

BEKNI MAG'LUB ETGAN BEKTEMIR

O'tgan hafta Qozog'iston poytaxti Astana shahrida boks bo'yicha «Prezident kubogi» xalqaro turniri bo'lib o'tdi. Ushbu yirik musobaqada dunyoning 15 ta davlatidan jami 162 nafar mohir chormoqlar ustalari g'oliblik uchun o'zaro bahs olib bordi.



Quvonarlisi, tumirda mamlakatimiz bokschilari ham munosib ishtirok etib, yakunda 1 ta oltin, 2 ta kumush va 4 ta bronza medalini qo'lga kiritishdi.

Jumladan, – 81 kg vazn toifasi finalida Bektemir Meliqo'ziyev qozog'istonlik bokschi Bek Nurmagambetovga qarshi ringga chiqib, raqibiga hech qanday imkoniyat qoldirmadi va terma jamoamiz hisobiga yagona oltin medalni taqdim etdi. – 60 kg vazn toifasida Shunqor Abdurasulov finalda rossiyalik Gabil Mamedovga imkoniyatni boy bergan bo'lsa, – 64 kg vazn toifasida ringga chiqqan Iqboljon Xoldorov esa mezbonlar vakili Bekdaulet Ibragimovga yutqazdi va har ikkala bokschimiz kumush medallariga ega bo'ldi. Shuningdek, yarim finalda mag'lub bo'lgan bokschilarimiz Shahobiddin Zoirov (- 56 kg), Aliyor Noraliyev (-64 kg), Mahmud G'oiyov (-69 kg) va Isroil Madrimov (75 kg) esa bronza medalini qo'lga kiritdi.

S.TURSINOV

Andijon viloyati, Shahrixon shahrida yashovchi tengdoshlarinig Hasanbek va Husanbek Yunusovlar shahardagi 6-umumta'lim maktabi o'quvchilari. Ular bu yil 6-«A» sinfni a'lo baholarga tamomladi. Egizaklar ta'til bo'lishiga qaramay, ingliz va rus tili mashg'ulotlarini qoldirmaydi.

EGIZAKLAR POYTAXTGA KELADI

Sinfodosh aka-ukalar bu yil oromgohga bormadi. Chunki ular 74 yoshli buvijoni Ra'noxon ayaga uy va tomorqa ishlarida yaqindan yordam bermoqda. Buvi va suyukli nabiralari birgalikda ekan pomidor ko'chatlari rosa hosilga kirdi, oldi mevalari qizarib ham qoldi.

Ra'noxon aya nabiralarga rus tilida nashrdan chiqqan Turgenevning hikoyalari va Astrid Lindgrenning «Mittivoj va Karlson» ertak-qissasini sovg'a qildi. Ular endi kitoblarni ham navbatma-navbat mutolaa qilishadi.

Ha, aytmoqchi, buvi egizaklarni yangi o'quv yili oldidan poytaxtga sayohatga olib kelmoqchi. Hozirda Hasanbek va Husanbek bo'sh vaqtlarida maktab kutubxonasida poytaxtda joylashgan teatr va muzeylar haqida ma'lumotlar beruvchi ensiklopedik adabiyotlarni o'rganmoqda.

Nurbek QIDIRALIYEV



Jarima, zarba, gol – Bu siz sevgan futbol

Salom, qadrlil millionlar o'yini muxlisarlari-yu yosh futbolchilar! Bugun sizga futbolga oid qiziqarli bir ma'lumotni yetkazmoqchimiz.

Bilasizmi, BMTning Bolalar jamg'armasi (YUNISEF) hamda Xalqaro futbol assotsiatsiyalari federatsiyasi (FIFA) kelishuviga ko'ra, **19-iyun sanasi Jahon bolalar futbol kuni** deb belgilangan. Zero, sportning bu turi bolalarni har tomonlama rivojlantiradi, jamoa bo'lib harakat qilishni o'rgatadi.

Orangizda millionlar o'yiniga qiziqmaydigan bolakayning o'zi bo'lmasa kerak?! Axir kim ham o'zining futbol to'pi bo'lishini yoki mahalladagi tengdoshlari bilan to'p surishini istamaydi, deysiz?!

Sana munosabati bilan biz suhbatga tortgan do'stlaringiz ham ushbu sport turini jon dildan yaxshi ko'rishadi.

Muhammadi YO'LDOSHEV, Toshkent shahar, Chilonzor tumanidagi 202-umumta'lim maktabi o'quvchisi:

– 4-sinfda o'qiyotganimda, maktabimizga hozirgi murabbiyim kelib, bizni futbol to'garagiga taklif qilgandi. Shundan buyon tumanimizdagi bolalar va o'smirlar sport maktabiga a'zoman. Birinchi bor shahar chempionatida 1-o'rinni olganimizda, juda quvonganman. Futbol mening quvonchim, faxrim va eng sevimli mashg'ulotimdir. Ustozim Farrux aka Yo'ldoshevdan uning sir-asrorlarini o'rganar ekanman, kelajakda mohir futbolchi bo'lishni orzu qilaman.

Asilxo'ja QODIROV, poytaxtimizning Yashnobod tumanidagi 226-umumta'lim maktabi o'quvchisi:

– Bir kuni do'stimning kompyuterda futbol o'yini o'ynayotganini ko'rib, keng maydonda haqiqiy to'p surishni istab qoldim. Futbol klubiga a'zo bo'lib, mashg'ulotlarga qatnay boshladim. Bo'yim baland bo'lgani bois, murabbiyim Avaz aka Abdullayev mendan yaxshi darvozabon chiqishini aytdi. Ayniqsa, onam olib bergan sport kiyimi menga juda yoqadi. Uni kiyib futbol o'ynayotganimda, o'zimni bo'lajak chempionlardek his qilaman.

QIZLARXON



KONIMEXLIK G'OLIBLAR

2018-yil 30-maydan 4-iyungacha qadar Rossiyaning Anapa shahrida sportning kikkoksing turi bo'yicha «Jahon kubogi» bo'lib o'tdi. Ushbu musobaqada Konimex tumani bolalar-o'smirlar sport maktabi kikkoksing bo'limi tarbiyalanuvchilari J. Urazboyev, Sh. Davlatov va S. Qahhorovlar ishtirok etdi. Yakunda Jasur Urazboyev +91 kg vazn toifasida Rossiya hamda Hindistondan kelgan raqiblari bilan jangga chiqib, 2-o'rinni qo'lga kiritdi.

YOSHLAR SPORT OLIMPIADASI



bo'sh vaqtlarini mazmunli o'tkazish, ularning ijtimoiy faolligini oshirish maqsadida uch bosqichli «Yoshlar sport olimpiadasi» o'tkazildi.


Yoshlar sport olimpiadasining 3-viloyat bosqichi Norin tumanidagi «Shodlik» markaziy stadionida bo'lib o'tdi. Musobaqa yoshlarning chinakam sport bayramiga aylandi. Unda 430 nafardan ziyod uyushmagan yoshlar, 500 nafardan ziyod korxon, tashkilotlardagi yoshlar ishtirok etdi.

Mini-futbol musobaqasida 1-o'rin Uychi tumani, 2-o'rin To'raqo'rg'on tumani, 3-o'rin esa Kosonsoy tumaniga nasib etdi. Voleybol bahslarida 1-o'rin Yangiqo'rg'on tumani yoshlariga teng keladigan raqib topilmadi. Stol tennisi bahslarida 1-o'rinni popliklar qo'lga kiritgan bo'lsa, arqon tortish va tosh ko'tarish bo'yicha Norin tumani yoshlari g'olib bo'ldi.

Umumjamoa hisobida 1-o'rin Norin tumani, 2-o'rin To'raqo'rg'on tumani, 3-o'rinni Uychi tumani jamoalari egallashdi.

Musobaqa g'oliblari tashkilotchilar tomonidan munosib taqdirlandi. E'tiborlisi, «Yoshlar sport olimpiadasi» ilk marta Namangan viloyatida o'tkazildi va Respublika miqyosida ommalashdi.

M. ALIMOV



Do'stlar orttirsam, o'qituvchimning «Barakalla» degan maqto'v so'zlarini eshitib, kundaligimga «besh» baho qo'ydirib kelsam», deb xayolidan o'tkazardi.

Oradan yillar o'tib, Aziza yetti yoshga to'ldi. Bilim dargohiga ilk bor qadam qo'ygandan beri maktabda faqat a'lo baholarga o'qiydi, uyga vazifalarni qunt bilan bajaradi. O'zi orzu qilganday har kuni «besh» baho oladi.

U yozgi ta'tilda yana buvisinikiga borganda, opasi bilan birga dars qilayotib:

– Endi mening ham shunday kitoblarim bor, – deya maqtanib qo'ydi.

Iqbolxon MUHAMMEDOVA,
Toshkent shahar, Yakkasaroy tumanidagi 73-umumta'lim maktabi o'quvchisi

BO'LAR BOLA BOSHIDAN...



– Rangli qog'ozlardan o'z qo'limiz bilan yasadik, – deydi aka-ukalar.



Suratdagi aka-uka Diyorbek va Islomjon Donyor o'g'illari g'ayrati ichiga sig'maydigan shijoatli bolajonlar. Shu bilan birga, juda iqtidorli. Hali bog'cha tarbiyalanuvchisi bo'lishlariga qaramay, ular xuddi kattalardek fikr yuritishadi. Bo'sh vaqtlarida suzish va rasm to'garaklariga qatnaydi. She'rlarni ifodali o'qishini ko'rsangiz, «Balli», degingiz keladi. Qolaversa, tarbiyachi opasidan gullar yasashni ham o'rganmoqda. Shuni aytishsa kerak-da, «Bo'lar bola boshidan», deb...


MANZURA

BO'SH O'TIRMAI, BOSH QOTIR! «A» HARFLI KROSSVORD

Javoblar «a» bo'g'inli so'zlardan iborat.

Eniga: 5. Futbol jamoa. 6. Sabzavot. 9. Armanistondagi tog'. 10. Poytaxti – Ottava. 11. Yenisey irmog'i. 13. Elektr sig'imining o'lchov birligi. 14. To'rtburchak shakl. 17. Qat'iy va'da, ont. 21. Janub mevasi. 22. Ip o'rami. 23. Jismonan yetuk, zabardast. 24. Savdo turi. 25. Kashtachilik buyumi. 26. Avtomobillarni saqlash inshooti.

Bo'yiga: 1. Maqoldan: «Harakat, harakatda – ...». 2. Samodagi turfa rang, manzara. 3. Gulsevar hasharot. 4. Mumtoz shoir Maxmur asari. 7. Adabiy janr. 8. Gap turi. 12. To'shama jihoz, kigiz. 13. Koinot, ufq. 15. Qirg'iz xalq eposi. 16. Urma musiqa asbobi. 17. Igna bargli daraxt. 18. Rossiya Federatsiyasining Uzoq Sharqdagi viloyati. 19. Baliqxo'r ko'l qushi. 20. G'alaba, muvaffaqiyat.



Tuzuvchi: Foziljon ORIPOV

MAZALI EKLER

Pazanda qizga!

Kerakli masalliq: 1 stakan suv, 5 ta tuxum, 100 gramm sariyog', 150 gramm un, bir chimdım tuz.



Kremiga: 1 banka quyultirilgan sut, 100 gramm sariyog'.

Tayyorlanishi: Chuqurroq qozonchaga 1 stakan suv solib, gazni past olovga yoqamiz. Iligach, tuz, un va sariyog'ni oz-ozdan solib, aralashtirishda davom etamiz.



Qozonchani olovdan olib, sovigach 5 dona tuxumni chaqib solamiz. Xamir quymoq xamiridan biroz quyuroq bo'ladi. Uni maxsus pishiriq qopchasiga solib, pishiriq qog'ozini to'shagan gaz patnisiga birma-bir siqib chiqaramiz. Keyin 180 haroratda qizdirilgan gaz pechida 20 daqiqada pishiramiz. Qizargan pishiriqlarning ustiga quyultirilgan sut va sariyog' aralashmasidan tayyorlangan krem surtamiz. Tayyor eklerlarni o'zingiz istagandek kokos qirindisi yoki suyuq shokolad bilan bezatishingiz mumkin.

NARGIZA tayyorladi